

Маҳалла



«ҚАШҚАДАРЁНИНГ ЕРИ БОЙ, ТУПРОҒИ УНУМДОР, ОДАМЛАРИ МЕХНАТКАШ»

КУН МАВЗУСИ

Ўзбекистон Республикаси Президенти Шавкат Мирзиёев ҳудудлар ривожини, ийрик лойиҳалар билан танишиш, аҳоли билан мулоқот қилиш мақсадида 21-22 апрель кунлари Қашқадарё вилоятида бўлди.

Ташрифтаги биринчи манзил Кўкдала тумани бўлди. Маълумки, Еттигим шаҳарчаси Кўкдала туманининг маъмурий маркази этиб белгиланган. Энди бу ерда инфратузилмани ривожлантириш зарур. Президентимиз ушбу шаҳарчани батафсил режалаштириш лойиҳаси билан танишди. Туман ҳудуди 171 минг гектар бўлиб, 32 та маҳалладан иборат.

— Кўкдала туманини ташкил этишдан асосий мақсад бу ерда яшайдиган 182 минг нафар аҳоли учун муносиб турмуш шароитини яратиш, ҳудудни иқтисодий ривожлантириш, аҳоли бандлигини таъминлаш бўйича ишларимизни янги bosқичга кўтаришдир, — деди Шавкат Мирзиёев.

Шундан сўнг давлатимиз раҳбари оилавий болалар уйи ташкил этган ота-оналар билан учрашди. Қашқадарё вилоятида биринчилардан бўлиб, Китоб туманидаги 5-сон ва Қамашидидаги 4-сон Меҳрибонлик уйлари ёпилиди. У ерда тарбияланганларнинг бир қисми яқинлари бағрига қайтган бўлса, бир қисми оилавий болалар уйларига қабул қилинган.

Президентимиз Қашқадарёга сафари чоғида шундай меҳрибон инсонлар — Ҳусан Холлиев ва Гулбахор Хонимова, Шокир Суёнов ва Гулбахор Ҳамидова, Бахтиёр Тўраев ва Гулбахор Алланазарова оилалари билан учрашди.

Президент болажонларга мурожаат қилиб, далда берди.

— Ҳаёт унқир-чунқир, синовлардан иборат. Ҳозир сизлар учун синов. Лекин, мен ишонаман, келажакда тенгдошларингга ўрнатилган бўласизлар. Меҳнат, машаққатсиз муваффақиятга эришиб бўлмайди. Мен ҳам болалигимда қийинчилик кўриб, катта бўлганман. Сизлар ҳар доим давлатимизнинг эътиборида бўласиз: таълим-тарбиянгиз, ўқишларга қизиқишингизни назоратга оламиз. Худо хоҳласа, камалингизни кўриш ҳаммамизга насиб этсин, — деди давлат раҳбари.

Президентимиз Косон туманида «Дўстлик» маҳалла фуқаролар йиғини ҳудудида қурилаётган «Янги Ўзбекистон» массивларини бориб кўрди. Бу ерда 2022-2026 йилларда 120 та куп қаватли уй қурилиши режалаштирилган. Жорий йилда эса 616 та хонадонли 30 та уй-жой қурилиши бошланган.

Президент Шавкат Мирзиёев Касби туманидаги «Қамаш»

маҳалласида бўлди. Бу ерда 6 минг нафардан зиёд аҳоли яшайди. Уларга қўлай ижтимоий шароитлар яратиш мақсадида ҳудудда «Обод қишлоқ» дастури амалга оширилди.

Ташрифнинг иккинчи куни Қарши шаҳрида 22 апрель куни халқ депутатлари Қашқадарё вилояти Кенгашининг навбатдан ташқари сессияси бўлиб ўтди.

Сессияда Президент Шавкат Мирзиёев иштирок этди ва нутқ сўзлади.

— Утган йили 11 октябрда бўлган сайловолди учрашувида, сизлар билан бирга Қашқадарёни келгуси беш йилда ривожлантириш ва аҳоли ҳаётини яхшилаш бўйича катта мақсадларни қўйган эдик, — деди Президент. — Кеча Қашқадарёни эрталабдан кечгача айланиб, одамларнинг кўзига қараб, шу режаларимизга одамлар ишоняптими, ўзгаришларни сезаяптими, деб эътибор бердим, уларни қим қилади? Раҳбар қилади — фидойи, халқини севадиган, элни бирлаштирадиган раҳбар. Агар фидойи ҳоким келса, одамлар дарров сезади.

Сессияда ташкилий масала кўрилди. Давлатимиз раҳбари 2021 йил ноябрь ойидан буён Қашқадарё вилояти ҳокими вазифасини бажариб келаётган Азимов Муротжон Бердиалиевич номзодини вилоят ҳокими лавозимига тавсия этди. Овозга қўйиш натижаларига кўра, Муротжон Азимов Қашқадарё вилоятининг ҳокими этиб тасдиқланди.

Сессияда вилоятни комплекс ривожлантириш бўйича асосий йўналиш ва вазифалар муҳокама қилинди. Давлат дастурларига кўра, жорий йилда Қашқадарёга 1,5 триллион сўмдан зиёд маблағлар ажратилган. Ийгилишда Қашқадарёда ижтимоий соҳа ва инфратузилмани яхшилаш учун республика бюджетидан қўшимча 360 миллиард сўм ажратилиши таъкидланди. Шунингдек, халқаро молия институтлари маблағларидан 100 миллион доллар имтиёзли маблағлар йўналтирилади.

Жорий йилда Қашқадарёда 5 минг хонадонли 143 та куп қаватли уй-жой фойдаланишга топширилади. «Обод қишлоқ» ва «Обод маҳалла» дастурлари доирасида бу йил 30 та маскан қиёфаси яхшиланади.

ЎЗА материаллари асосида тайёрланди.



Жаҳонгир Фаёуллоев тўлган суратлар

ИНСОН ҚАДРИНИ УЛУГЛАШ, НУРОНИЙЛАРНИ ЭЪЗОЗЛАШ — ҚАДРИЯТЛАРИМИЗГА ЭҲТИРОМ РАМЗИДИР

2-саҳифада.

«САЙЛОВ – 2022»

МАҲАЛЛА РАИСЛИГИГА КИМНИ САЙЛАЙМИЗ?

Маҳалла раиси ҳоким ёрдамчиси, ёшлар етакчиси ва хотин-қизлар фаоли, профилактика инспекторини рағбатлантириш ёки эгаллаб турган лавозимидан озод этишгача бўлган жазо чораларини қўллаш бўйича тегишли ташкилотларга кўриб чиқиши мажбурий бўлган тақдирда киритиши мумкинлигининг ўзиёқ оқсоқол бошқалардан «бир бош баланд» бўлишини тақозо этмоқда.



Давоми 3-саҳифада.

«МАҲАЛЛАБАЙ» ИШЛАШ ТИЗИМИ: НАТИЖАЛАР САЛМОҒИ ОРТИБ БОРЯПТИ

4



Хабар берган одамларни қачонгача айблаймиз?

5



НАРХИ ЯНА ОШИБ КЕТАДИМИ?

7



Хилола УМАРОВА,
Президент таълим
муассасалари
агентлиги директори.

“ **НАЖОТИМИЗ — МАКТАБДА,
НАЖОТИМИЗ — БИЛИМДА,
НАЖОТИМИЗ — ТАЪЛИМДА** ”

Хар бир ота-она фарзандининг яхши билим олишини хоҳлайди. Айниқса, бугун Президент мактабларида таълим олиш ўқувчию ота-оналар учун юксак фахрга айланган. Чунки бундай нуфузли билим даргоҳида энг билимли, энг сараланган, энг бахтли авлод вакиллари малакали ўқитувчи ва мураббийлардан сабоқ олишмоқда. Қувончлиси, энди Президент мактабларидаги имконият ва замонавий методика халққа янада яқинлашади.

Давлатимиз раҳбарининг «Президент таълим муассасалари агентлиги тизимидаги ихтисослаштирилган мактаблар тармоғини кенгайтириш тўғрисида»ги фармониغا кўра, вилоятлар марказларида иккитадан, туман ва шаҳарларда биттадан ихтисослаштирилган мактаблар ташкил этилиб, улардаги шароитлар Президент мактаблари каби бир хил бўлади. Яъни Президент мактабларида шакланган замонавий ва илғор методика ҳудудлардаги ихтисослаштирилган мактабларга кириб боради. Бу нима беради? Мамлакатга қандай нафи бўлади?

Ўзбекистонда бугун фаолият олиб бораётган 14 та Президент мактаби, 3 та ихтисослаштирилган, ижод мактаблари сафи яна кенгаймоқда. Президент мактаблари ва ихтисослаштирилган мактаблар тармоғининг кенгайтирилиши бевосита юртимизда иқтидорли йигит-қизлар кўлиги билан боғлиқ, дейиш мумкин. Бу ўқувчиларимизга ҳам эътибор ва рағбат керак. Юртбошимиз айнан шу масала бўйича аниқ вазифа бергандилар. Яъни Президент мактаблари каби таълим муассасаларини энди нафақат вилоят марказларида, балки туманларда ҳам ташкил этиш белгиланган. Вилоятларга бориб, ўқувчи ва ота-оналар билан учрашганимизда давлатимиз раҳбарининг бу ташаббусларидан миннатдорликни ҳис этдик.

Фармон ижроси доирасида ҳудудлардаги барча мактаблар ҳолати билан танишиб, 193 та мактаб танлаб олинди. Президент таълим муассасалари агентлиги тизимида 2022 йил 1 сентябргача вазирлик, идора ва ташкилотлар тасаруфидан бўлган таълим муассасалари негизда 19 та ихтисослаштирилган мактаб-интернатлари ҳамда 141 та ихтисослаштирилган мактаблар, 2023 йил 1 июнгача Халқ таълими вазирлиги тасаруфидан бўлган ва фаолияти тугатилган Меҳрибонлик уйлари ва Болалар шаҳарчалари негизда 5 та ихтисослаштирилган мактаб-интернатлар ҳамда 3 та ихтисослаштирилган

Агентлик мактабларига ўқувчиларни қабул қилиш аниқ ва табиий фанлар, хорижий тиллар ҳамда мантиқий фикрлаш бўйича ўтказиладиган кириш имтиҳонлари натижаларига кўра амалга оширилади.

мактаблар ташкил этилади.

2022-2024 йилларда агентлик тизимида 25 та ихтисослаштирилган мактаб-интернат қурилади.

2022-2023 ўқув йилида агентлик мактабларининг аниқ фанлар йўналишига қабул 5-11-синфларга, табиий фанлар йўналишига 7-11-синфларга, кейинги ўқув йилларида тегинишча 5- ва 7-синфларга амалга оширилади.

Агентлик мактабларига ўқувчиларни қабул қилиш аниқ ва табиий фанлар, хорижий тиллар ҳамда мантиқий фикрлаш бўйича ўтказиладиган кириш имтиҳонлари натижаларига кўра амалга оширилади.

Рўйхати агентлик томонидан тасдиқланган халқаро, минтақавий ёки асосий фан олимпиадаларининг учинчи (вилоят) босқичида ғолиб бўлган (1, 2, 3-ўрин) умумий ўрта, ўрта махсус ва бошлангич профессионал таълим ташкилотлари ўқувчилари ўзи таълим оладиган ҳудудда жойлашган Агентлик мактабларига умумий қабул параметрлари доирасида кириш имтиҳонсиз ўқишга қабул қилинади.

Агентлик мактаблари директорининг ихтисослиқ фанлари бўйича ўринбосари лавозими ўрнига «Мактаб маслаҳатчиси» лавозими жорий этилади. Ихтисослаштирилган мактаб-интернатларда ўқувчилар учун аутсорсинг асосида бепул соғлом овқатланиш ташкил этилади. Агентлик мактабларига раҳбар ва педагог кадрларни ишга қабул қилиш уч босқичли



танлов (саралаш босқичи, тест синови ва суҳбат) асосида амалга оширилади.

Эндиликда Агентлик ҳузуридаги Педагогик маҳорат ва халқаро баҳолаш маркази Педагогик маҳорат ва халқаро баҳолаш илмий-амалий маркази этиб қайта номланди. Марказ умумий ўрта, ўрта махсус ва профессионал таълим ташкилотлари педагог кадрларининг билим даражаси ҳамда касбий маҳоратини баҳолайди ва баҳолаш натижаси бўйича 2 йил муддат давомида амал қилувчи «Илғор ўқитувчи», «Устоз ўқитувчи» ҳамда «Профессионал ўқитувчи» даражали сертификатлар берилди. Мазкур сертификатни олган педагог кадрларига қўшимча ҳақ тўланади.

Жумладан, «Илғор ўқитувчи» даражали сертификатни олган педагог кадрларга уларнинг базавий тариф ставкасига нисбатан ҳар ойлик 50 фоиз миқдоридан, «Устоз ўқитувчи»га 70 фоиз миқдоридан, «Профессионал ўқитувчи»га ҳар ойлик 100 фоиз миқдоридан устама тайинланди. Эътиборлиси, ушбу сертификатларни олган педагог кадрлар агентлик тизимидаги таълим муассасаларига уларнинг малака тоифасидан қатъи назар ишга қабул қилинади.

Бу таълим муассасалари 2 хил йўналишда иш олиб боради. Яъни ҳар бир вилоятда 2 тадан марказлашган аниқ ва табиий фанлар йўналишида, туманлардаги мактабларда эса аниқ ва табиий фанлар интеграция асосида ўқитиладиган мактаблар бўлади.

Айтиш лозимки, бугунги глобаллашув даврида дунё мамлакатлари орасида муносиб ўрин эгаллашимизда малакали кадрларга эҳтиёж катта. Шу рақобатда энгб чикишимиз учун ҳам айнан малакали мутахассисларга зарурат бор. Таъбир жоиз бўлса, бу саралаб олинган йигит-қизлар юртимизнинг олтин фонди ҳисобланади. Зеро, юқоридаги фармон Президентимизнинг қайта-қайта тақдирлайдиган: «Нажотимиз — мактабда, нажотимиз — билимда, нажотимиз — таълимда», деган сўзларининг ҳаётий инъикосидир.

МАХАЛЛА ЯНГИЛИКЛАРИ

«ФУҚАРОЛАР САРСОН БЎЛИБ ЮРМАЯПТИ»

Президентимиз ташаббуси билан маҳалла тизими ривожланишининг мутлақо янги босқичига кўтарилди. Айниқса, охириги беш йилда уни ривожлантириш борасида қатор ишлар амалга оширилди. Хусусан, соҳага онд қонун ва меъёрий ҳужжатлар қабул қилинди. Жамият ҳаётида жонбозлик кўрсатган тизим ходимлари давлат мукофотлари билан тақдирланди. Фуқаролар йиғинлари раислари ва ходимларининг ойлик иш ҳақи оширилди.

Музаффар ЗОИРОВ,
Чуст туманидаги
«Қалъаи поён» маҳалла
фуқаролар йиғини раиси.

Қолаверса, йиғинларнинг аксарияти уз биносига эга эмасди. Тизимда кадрлар кўнимсизлиги одатий ҳолга айланганди. Маҳалла ходимларини уларга боғлиқ бўлмаган ишлар, йиғилиш ва бошқа тадбирларга жалб қилиш тақиқланган бўлса-да, амалда ҳокимликнинг «югурдаги» эдик. Аслида иккита ходим бўлса-да, зиммамизга 200 дан ортиқ вазифа юкланган эди.

Мана, ниҳоят юқоридаги муаммолар босқичама-босқич барҳам топди. Энди маҳалла мутлақо янги форматда иш олиб бормоқда. Бугун маҳалла раиси барча соҳа ходимларининг фаолиятини мувофиқлаштирувчи раҳбарга айланди. Жорий йил бошида мана шу тизимда иш бошлаган бўлсак, қисқа вақтда натижалар кўрина бошлади. Маҳалладаги ҳоким ёрдамчиси, ёшлар етакчиси, хотин-қизлар фаоли билан ҳамкорликда аҳоли муаммолари ҳал этиб борилмоқда. Масалан, «Хар бир оила — тадбиркор», «Ёшлар — келажакимиз», «Хунармандчилик» дастурлари доирасида маҳаллаларга тадбиркорлик

фаолияти билан шуғулланиш учун арзон кредит маблағлари ажратилмоқда. Бу маблағлар ҳисобига сартарошхона, новвойхона, шунингдек, хунармандчилик, тикув, қандолатчилик цехлари, оталар чойхонаси, гузар масканлари ташкил этилмоқда.

Масалан, 605 хўжалиқда яшовчи 3 710 нафар фуқаронинг ҳар бири билан суҳбатлашиб, муаммоси ўрганилмоқда. Энг муҳими, маҳалламиздаги ижтимоий муаммоларга ҳам ечим топилмоқда. Инфратузилмани яхшилашга катта эътибор берилляпти. Жумладан, тахлилларга кўра, маҳалламиз кўчалари шағаллаш ва асфальтлашга муҳтож эди. Ёзда чанг, қишда лой бўлиб, фуқаролар норозилигига сабаб бўларди. Электр таъминотида узилтишлар одамларни қийнаб келарди, симёғочлар эски эди. Яна бир катта муаммо — ичимлик сув билан боғлиқ бўлиб, олисдан ташиб ичиларди.

Йиллар мобайнида айтилса-да, эътиборсиз қолаётган мана шу каби муаммолар ниҳоят ҳал бўл-

ди. 2021 йил давомида маҳаллий маблағлар ва ҳомийлар ёрдами билан ҳудудимизнинг 4 200 км. масофаси шағалланди, 1,5 км. кўчамизга ичимлик сув тармоғи тортилди. Электр таъминотидаги узилтишларни яхшилаш учун янги трансформатор ўрнагилмоқда. 26 та симёғоч замонавийсига алмаштирилди.

Яна бир қувончли хабар — маҳалламиз 2022 йил «Обод маҳалла» дастури асосида замонавий қиёфа касб этадиган бўлди. Шу бўйича 2 км. кўчамиз асфальтланади, 2 км. қисми бетон йўл бўлади, 4 км. масофа эса шағалланади. Насиб этса, ичимлик сув бўйича муаммомиз тўлиқ ечилади. Дастур асосида ижтимоий объеклар ҳам таъмирланиши белгиланган. 58-мактаб, 46-МТТ, 48-врачлик пункти таъмирланса, маҳалла биноси янгидан қурилади.

«Аёллар дафтари»га 2021 йилда 47 нафар ёрдамга муҳтожлар рўйхатга олинган бўлса, шу кунгача Наргиза Домлажоновга тикув машинаси берилди, 3 нафари иш



билан таъминланди. 13 нафарига 1 марталик моддий ёрдам кўрсатилди. «Темир дафтар»даги Тоштилло Ғойибназарова ва Маҳмуда Қўзиеваларга 20 дондан парранда берилди. «Ёшлар дафтари»даги 8 нафар фуқаронинг 7 нафарига олий ўқув юртидаги шартнома туловлари тўлаб берилди.

Ҳоким ёрдамчиси иш бошлаши натижасида фаолиятимиз янада осонлашди. Маҳалламиз ҳоким ёрдамчиси 8 нафар маҳалладошимизни доимий ишга жойлаштирди, 2 кишига парранда берилди, 2 та янги корхона очилди. Анвархон Омонов мебелсозлик бўйича иш бошлаб, 2 та иш ўрни яратди. Ҳоким ёрдамчиси тавсияси асосида ташкил этилган «Тўлқин меҳр» хусусий корхонаси Туркидан нон

ишлаб чиқариш технологиясини олиб келди. Натижада 1 кунда 1,5 тонна маҳсулот ишлаб чиқармоқда ҳамда 3 иш ўрни яратилди. Бахтиёр Дадажонов 60 сотих майдонга иссиқхона курди ва 12 та иш ўрни яратди.

Бевосита маҳалла ташаббуси билан ҳомийлар жалб қилиниб, Хискинбой Даминовнинг, туман ҳокимлиги ёрдами билан Олим Алимовнинг уй-жойи таъмирлаб берилди.

Эътиборлиси, жорий йилдан бошлаб, фуқаролар муаммолари бўйича ташкилотма-ташкилот сарсон бўлиб юрмайпти. Чунки ҳафтанинг ҳар сешанба куни маҳалламизда барча корхона ва ташкилот раҳбарлари иштирокида қабул ташкил қилинмоқда.

